



Broj: 04-11-664-9/23 DB  
Sarajevo, 03.08.2023. godine

Na temelju čl. 69. stavak (3) i 70. st. (1), (4) i (6) Zakona o javnim nabavama Bosne i Hercegovine („Službeni glasnik BiH“, broj 39/14, 59/22) i članka 17. Statuta Federalnog zavoda za zapošljavanje, a po Zahtjevu za dostavu ponuda putem otvorenog postupka za javnu nabavu novog HW za JIS i implementacije novog HW, ravnateljica donosi

### **ODLUKU o poništenju postupka nabave**

#### **Članak 1.**

Poništava se otvoreni postupak javne nabave broj: 04-11-664/23 od 21.03.2023. godine, skupa sa Obavještenjem o nabavi broj: 940-1-1-21-3-11/23 objavljen na Portalu javnih nabava dana 24.03.2023. godine i u „Službenom glasniku BiH“ br. 22/23 i Ispravka za Obavještenje broj: 940-1-1-21-8-25/23, objavljena u „Službenom glasniku BiH“ br. 40/23., a koji se odnosi na nabavu novog HW za JIS i implementacije novog HW.

#### **Članak 2.**

Za izvršenje ove odluke zadužuje se Sektor za pravne i opće poslove.

#### **Članak 3.**

Ova odluka objavit će se na web stranici [www.fzzz.ba](http://www.fzzz.ba) shodno članku 70. stavak (6) Zakona o javnim nabavama BiH.

#### **Članak 4.**

Ova odluka stupa na snagu danom donošenja.

### **Obrazloženje**

Postupak javne nabave Novog HW za JIS i implementacija novog HW pokrenut je Odlukom broj: 04-11-664/23 od 21.03.2023. godine, a po zahtjevu rukovoditelja Jedinice za informacijske tehnologije, broj: 07-SL-22/23 od 14.03.2023. godine i 07-SL-22-1/23 od 17.03.2023. godine.

Javna nabava se provedi putem Otvorenog postupka, Procijenjena vrijednost predmeta nabave je 1 290 000,00 KM bez PDV-a (jedanmilijondvijestotinedvedesettisuća).

Ugovorno tijelo je izvršilo objavu na Portalu javnih nabava dana 24.03.2023. godine, Obavještenje broj: 940-1-1-21-3-11/23, te izvršilo objavu u „Službenom glasniku BiH“ br. 22/23.

Dana 24.04.2023. godine Ugovorno tijelo zaprimilo je, na protokol, Žalbu broj: JN-18-59/23 od 19.04.2023. godine na Tendersku dokumentaciju, broj: 04-11-664-2/23 od 24.03.2023.

godine, izjavljenu od potencijalnog ponuditelja „BS TELECOM SOLUTIONS“ d.o.o. Sarajevo zastupanog po punomoćniku Sanelu Nezirić, odvjetniku iz Sarajeva.

Zaključkom broj: JN-01-07-1-1041-5/23 od 25.05.2023. godine Ured za razmatranje žalbi odbacio je Žalbu.

Ugovorno tijelo je izvršilo objavu Izmjenjene i dopunjene Tenderske dokumentacije broj: 04-11-664-6/23 od 30.05.2023. godine, Ispravka za Obavještenje broj: 940-1-1-21-8-25/23, te izvršilo objavu u „Službenom glasniku BiH“ br. 40/23.

Dana 16.06.2023. godine Ugovorno tijelo zaprimilo je, na protokol, Žalbu broj: JN-18-105/23 od 15.06.2023. godine na Izmjenu i dopunu Tenderske dokumentacije broj: 04-11-664-6/23 od 30.05.2023. godine, ponuditelja “NGS” d.o.o. Sarajevo zastupanog po punomoćniku Sanelu Nezirić, odvjetniku iz Sarajeva.

Dana 16.06.2023. godine, Zaključkom broj: 04-11-664-7/23 Ugovorno tijelo je obustavilo postupak nabave, te dana 16.06.2023. godine na Portalu javnih nabava poslalo „notifikaciju o zaprimljenoj žalbi“ ponuditeljima koji su preuzeli Tendersku dokumentaciju u skladu sa člankom 110. Zakona o javnim nabavama BiH.

Rješenjem broj: JN2-01-07-1-1545-6/23 od 26.07.2023. godine Ured za razmatranje žalbi usvojio je Žalbu i poništio Tendersku dokumentaciju i Obavještenje o nabavi broj: 940-1-1-21-3-11/23 od 24.03.2023. godine.

Imajući u vidu da je Rješenjem URŽ-a poništena tenderska dokumentacija i Obavijest o nabavi, a s obzirom na kompleksnost i vrijednost predmeta javne nabave ugovorno tijelo nije u mogućnosti, pod okolnostima koje se nastale nakon odluke URŽ-a, kvalitetno i u najboljem interesu za Zavod nastaviti postupak. Navedene okolnosti nisu mogle biti predviđene niti uzete u obzir prilikom pokretanja postupka nabave. Ugovorno tijelo stavlja van snage postupak nabave novog HW za JIS i implementacije novog HW dok se ne steknu uvjeti za izradu nove tehničke specifikacije.

Iz navedenih razloga, odlučeno je kao u dispozitivu.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od deset dana od dana objave na web stranici.

